



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De illis qui ex industria peccata, & promittunt sibi quandam impunitatem
peccandi, propter largitionem eleemosynarum. lvi.

urn:nbn:de:hbz:466:1-10722

proprias voluntates. Hic ergo qui obedientiam exercet, omnes voluntates relinquit, totus pendet in voluntate patris iubentis, & ideo maiorem gloriam præ cæteris est fortitus.

De illis qui ex industria peccant, & promittunt sibi quandam impunitatem peccandi propter largitionem elemosynarum. Cap. LVII.

Ex cõcil.
Cabillon.
cap. 36.

Sed nec hoc prætereundum putauimus quod quidam ex industria peccantes, propter elemosynarum largitionem quandam sibi promittunt impunitatem. Elemosyna enim extinguit peccatum, iuxta illud: Ignem ardentem extinguit aqua, & elemosyna extinguit peccatum. Sed ea quæ aut necessitate, aut casu, aut qualibet sunt fragilitate. Ea verò quæ ex industria ad cuiuslibet libidinem explendam idcirco fiunt vt elemosynis redimantur, nequam eis redimi possunt: quia qui hoc perpèrant videntur Deum mercede conducere, vt eis impunè peccare liceat. Non ergo idcirco quis peccare debet, vt elemosynam faciat: sed ideo elemosynam facere debet, quia peccanti mentem enim & corpus quæ libido traxit ad culpam, ablutio & contritio debet reducere ad veniam.

De his qui per acta pœnitentia ad pristinam redeunt volutabra. Cap. LVIII.

Ex decre.
Syricey pa
pæ, ca. 10

DE his verò non incongruè dilectio tua apostolicam sedem credidit consulendam, qui per acta pœnitentia, tanquam canes ac sues, ad vomitus pristinos, & ad volutabra redeunt, & militiæ cingulum, & ludicras voluptates, & noua coniugia, & inhibitos denuò appetiere concubitus, quorum professam in continentiam generati post absolutionem filij prodiderunt: de quibus: quia iam suffragium non habent pœnitendi, id duximus decernendum, vt sola intra Ecclesiam fidelibus oratione iungantur, sacrosanctorum celebritati, quamuis nō mereatur, intersint. A dominicæ autem mensæ conuiuio segregentur, vt his saltem districtione correcti, & ipsi sua errata castigent, & aliis exemplum tribuant, quatenus ab obscœnis cupiditatibus retrahantur: quibus tamen quoniam carnali fragilitate ceciderunt, viatico manere, cum ad dominum eueperint proficisci, per communionis gratiam volumus subue-